

الرشاد

س ۱ ۱۳۰۰

والله يهدي من يشاء الى صراط مستقيم ديني ، علمي ، ادبي ، سياسي هفتة اق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

جلال زاده صالح افندی

فضای ادب و مورخین عثمانیه دن بر ذات اولوب ترجمه حالی (صراط مستقیم) ک (۱۸۲) نجی نومرولو نسخه سنده محرر (جلال زاده قوجه نشانجی مصطفی) بکک کوچک برادریدر .

علامه روم ابن کمال و معلم سلطانی خیرالدین افندی کبی افاضلدن تحصیلی بعدالاکال تدریسه باشلایوب استانبول وادرنه مدارسنده اعطای اجازهیه موقتیتندن صوکره مسلك قضایه سالک اوله رق حلب، شام، مصرده ایفای وظائف شرعیه ایله دی. استانبوله عودتی متعاقب ازوا و تقاعدی اختیار ایدره ک نشانجی ده بنا ایتدیکی خانه سنده تألیف آثارله دمکذار اولدی . و (قبر صالح جنت اوله یا اله) مصراعنک دلالی اولان (۹۷۳) تاریخنده ارتحال داربقا ایله یوب برادر ی یاننده ودیعه خاک فنا قیلندی. مرحوم علم و فضل ایله معروف اولدینی کبی جود و سخا ایله ده موصوف کرک اقربا و تعلقاتندن کرک جواری محلاتندن برخیلی محتاجینه معاونتی جاننه منت بیلن اسخیای امتدن اپدی. آثار ی : (۱) ترجمه جامع الحکایات و لامع الروایات : اصل اثر (جمال الدین محمد عوفی) نک وزیر اعظم (نظام الملک) نامنه یازدینی فارسی العبارة تاریخی و اخلاقی بر اثر معتبری اولوب کرک اصلی کرک ترجمه سی استانبولده کتبخانه لرده واردر .

(۲) تاریخ مصر جدید : مشاهیر و مورخین عربدن (تقی الدین احمد مقریزی) نک ساده جه (خط مقریزی) اسمیله معروف اولان (المواعظ و الاعتبار بذکر الخطط و الآثار) نی مأخذ ایدینه رک یازمشدرکه بر نسخه سی (طوب قیو) سراینده (روان کوشکی) دولابنده واردر .

(۳) کتاب المختصر فی احوال البشر : (علامه سیوطی) نک (حسن المحاضرة فی اخبار مصر القاهرة) سیله سائر آثار معتبره دن التقاط صورتیله یازمشدرکه مصر آثار عتیقه سنده دائر برخیلی معلومات ناعه مندرجدر .

(۴) تاریخ بدون - دین ، یعنی بوداپشته : بر نسخه سی روان کوشکی دولابنده واردر .

(۵) فتحنامه رادوس : بر نسخه سی و یاننده کتبخانه ایمپراطوری ده واردر .

(۶) دیوان : طرز معلوم اوزره اولوب بر نسخه سی (ایاصوفیه) کتبخانه سنده موجوددر .

(۷) منظومه لیلی و مجنون : بر برینی متعاقب وفات ایدن ایکی مخدومنک تأثیریه یازدینی ایچون سوزشلی پارچه لری حاویدر .

(۸) حاشیه علی شرح مفتاح (۹) حاشیه علی شرح مواقف

(۱۰) حاشیه علی صدر الشریفه (۱۱) حاشیه علی اصلاح و ایضاح

(۱۲) مناقب فیروز اغا (۱۳) منشآت

اواخر عمرنده کوزلرینه عماطاری اولدینی حالد مستحضر اتندن

استکتاب صورتیله علماء عثمانیه نک لطائف و مطایباتیله نوادر و مفاهاتی جمع و ترتیبه باشلامش ایسه ده آتامنه عمری وفا ایتمه مشدر .

غزل آتی زمان شیخو ختمده نظم ایتدیکی اشعار دندرکه احوال روحیه سنی مصور اولق اعتباریه درج ایدلی :

آخر اولدی عمر چون کچدی هوا شیمدن کبرو

نیله یم ال و بردیکن دنیا بکا شیمدن کبرو

بن جهان سودالرندن چکدم ال ای مدی

سربسر غوغای دهری آل سکا شیمدن کبرو

پیرلک هنکای کلدی کیتدی ایام شباب

صوکبی دل طفلی آقا زهر یکا شیمدن کبرو

طائر قدسی روح آکدی تجرد عالمن

جیفه دنیا غمی دوشمن اکا شیمدن کبرو

برکون آگاه اولمادک دوش کبی کچدی ماضی

صالحا حالک نولور باری اکا شیمدن کبرو

بروسه لی

محمد طاهر

شمال سی

شرق و غرب

۱

مدنیتجه ، طرز تفکر و معیشتجه یکدیگرینه تمامیه متخالف ایکی عالمک آره سنده بولنان استانبولدن آتیلان سطحی برنظرده شرق ایله غربک وضعیت متقابله سی تین ایدر : غرب مدھش برقارتال کبی شرقک اوزرینه صالدرمق و قادلرینی کره رک، پنجه سنی صیقه رق ، منقارینی آچارق شرقی ایکی طرفدن تضییق ایتمکده در . جنوبده عربستاندن باشلامش ، بصره کورفرزنی ، بلوچستانی ، هندستانی ، تونکین ، سیامی ... شمالده قفقاسیه یی ، تورکستانی و سیریا یی پنجه قهر و تعدیسی التنده ازمکده در . فقط شو بیرتیجی ، قان ایچیجی حیوانک دیده طمع و حرصی بوکبی شکال لر ایله اطماع ایدیلهمز . کسیجی کوزلرینی دایما ایلری دیکمش ، دایما یکی شکارلر ، یکی قربانلر آرییور و متادیا جنوب و شمالدن مرکز طوغرو یورومکده در !

مرکزده کیلر ایسه بوکون یالکز ایکی عنصردن عبارتدر : عنصر اسلام و عرق اصفر ! قارتالک نظری شمعی عثمانلواغه ، ایرانه ، چینه دیکلمشدر ؛ بونلری ده یوتمق ، بونلری ده پارچه لامق ، بونلرک ده یوردلرنده بايقوش اوتدیرمک ایسته یور !

نقدر مدھش و دلسوز برلوحه ! کره ارضده یاشایان بشریتک قسم اعظمی تشکیل ایدن شومرکز ، حقیقه ، آوجی طرفدن تعقیب ایدیلن بر شکار قوشی کبی متوحش ، متزلزل ، متردد برحالد جابالیور ، ال آیاق ، اوریور ، کندیسنی چالماقدن چالماغه ، اوکنه کلن سپرک آرقه سنه آتیور ، کندیسنی ایچون برچاره خلاص ، برماوا ، برمامن آرییور !